

ՏԱՆԵԻՉՈՐԵՐՈՐԴ ՏԱՂԱՇԱՐՔ

Ա .

Ելայ ես ի քեզ եկի, զիս խենե կարօտ գիտէի,
Գալըս քեզ դըժար թըւաց, ես ի յիմ միտքս անդիճեցի.
Մի՛ լար, մի՛ տրտում կենար, մի՛ հաշուել զօրըս քեզ տարի,
Ան ոտքն որ ի հոս իբեր, նակարե որ այլվայ տանի:

Բ .

Եկիր ու հազար բարի, ես եմ քո գալըն խնդալի.
Աչկանցըն լուսուն պակսի ով որ քո գալըդ չիկամի.
Ինչ Գաբրիէլական փողն մեռելին գոչէ թէ՛ Արի՛,
Այնժամ կենդանի եղայ երբոր քո ձայնըդ լըսեցի:

Գ .

Որդի, հարըստի որդի, ծիլ ոսկի, ծառ արմաւենի,
Քո շունչդ է ինկան փոշի, քո մագերդ է ճիւղք խաղողի.
Կուլակդ է որոր որլոր, քո բերանդ է փոքր ու բոլոր.
Քո տիրոջդ այլ ի՛նչ եյնեկ, դու հերիք ես՝ խաղլու խնծոր:

Դ .

Ան առաւօտուն լուսուն ձայնըն գայ գարնան ձագերուն.
Ա՛յ իմ փոքրիկ ձագեր, ձայն անուշ է քանց ամենուն.
Ձագ մի կայ՝ պուլպուլ կ'ասեն, զինչ կ'ասե՛ ամենըն սիրոյ.
Ձայնիկն ակընջովս ինկաւ, չի դարդրիլ աչերս ի լալու:

Ե .

Չիս պիտեր ասուն խօսուն զինչ արքայ հաւերն իմաստուն,
Ես ալ գիտենալ կարեմ թէ ո՞վ կայ եարիս ծոցն ի քուն:
Ով կայ եարիս ծոցն ի քուն, թող խոցե՛ սեւ օձն իր լեզուն.
Ով իմ եարես պագ առնու, նա պակսի՛ աչկանցն ի լուսուն:

Զ .

Իմ սէ՛ր 'ւ իմ առջի բարի, իմ սիրա՛ծ իմ սրտիս ուզած,
Իմ տըղայկութեան սիրած 'ւ իմ հազար աչիչ հաւընած,
Ո՛չ քեզի է վարդ պակաս, ո՛չ կտրիճն աղուորդ իմացած,
Սրտիկըս զեթ զքեզ ուզած, ա՛լ աղէկն իսկի չիպիտաց: